

臨時大總統咨參議院辭職文



前後和諧情形並昨日伍代表得北京一電本處又接北京一電又接唐紹儀電均經咨明貴院在案本總統以爲我國民之志在建設共和傾覆專制義師大起全國景從清帝鑒於大勢知保全君位必然無效遂有退位之議今旣宣布退位贊成共和承認中華民國從此帝制永不留存於中國之內民國目的亦已達到當締造民國之始本總統被選爲公僕宣言誓書實以傾覆專制鞏固民國圖謀民生幸福爲任誓至專制政府旣倒國內無變亂民國卓立於世界爲列邦公認本總統卽行解職現在清帝退位專制已除南北一心更無變亂民國爲各國承認日夕可期本總統當踐誓言辭職引退爲此咨告貴院應代表國民之公意速舉賢能來南京接事以便解職附辦法條件如左

一、臨時政府地點設於南京爲各省代表所議定不能更改

一、辭職後俟參議院舉定新總統親到南京受任之時大總統及國務各員乃行辭職
一、臨時政府約法爲參議院所制定新總統必須遵守頒布之一切法制章程此咨